



Minjastofnun
Íslands

The Cultural
Heritage Agency
of Iceland

Suðurgata 39
101 Reykjavík

(354) 570 13 00

postur@minjastofnun.is
www.minjastofnun.is

Kennitala: 440113-0280

Forsætisráðuneytið - Stjórnarráðshúsinu
Stjórnarráðshúsinu við Lækjartorg
101 Reykjavík

Reykjavík, 9. apríl 2021
MÍ202104-0043/6.00/ K.H.S.

**Efni: Frumvarp til laga um breytingu á ýmsum lögum er
varða eignarráð og nýtingu fasteigna (óskipt sameign,
landamerki o.fl.). 151. löggjafarþing 2020-2021.**

Minjastofnun Íslands hefur verið boðið að veita umsögn um ofangreint
frumvarp. Stofnunin þakkar fyrir veittan frest til að senda umsögnina inn.

Frumvarpið sem hér um ræðir felur m.a. í sér breytingu á lögum um
menningarminjar, nr. 80/2012 (hér eftir nefnd minjalög) á þá vegu að
ríkissjóður skuli hafa forkaupsrétt að jörðum og öðrum landareignum þar
sem eru friðlýstar menningarminjar, að þeim aðilum frágengnum sem
veittur er forkaupsréttur með jarðalögum.

Minjastofnun Íslands fagnar þessari breytingu þar sem ákvæði um
forkaupsrétt hefur ekki verið í minjalögum hingað til. Á það bæði við um
jarðir með merkjum fornleifum, þ.m.t. menningar- og búsetulandslagi, en
einnig jarðir með friðlýstum byggingum og mannvirkjum.

Minjastofnun Íslands telur ástæðu til að minna á að búsetu- og
menningarlandslag og slíkar landslagsheildir heyra til fornleifa. Slíkt
landslag er aldursfriðað og friðlýst skv. minjalögum (sjá t.d. 1. gr., 2. mgr.
og 3. gr., 3. mgr. a. liður og 18. – 22. gr.). Í frumvarpinu er eingöngu vísað
til náttúruverndarlaga og telur Minjastofnun mikilvægt að vísað sé til
minjalaga þegar fjallað er um menningarlandslag enda heyra slíkar minjar
undir minjavörsluna.

Það sama á við um merkjavörður og aðrar vörður, sem einnig teljast til
fornleifa (minjalög, 3. gr. d. liður).

Minjastofnun telur mikilvægt að bæta inn að taka þurfi tillit til minjalaga í
köflum 2.2. (bls. 11) og 3.2 (bls. 17).

Fjallað er um landeigendaskrá á bls. 25. Minjastofnun vill í því samhengi
minna á minjavernd, en það orð og markmið minjalaga og ríkisins í
tengslum við minjavernd er hvergi að finna þar sem fjallað er um
landeigendaskrá.

Virðingarfyllt,

Kristín Huld Sigurðardóttir
Forstöðumaður